



**Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones ab Innocentio XIII. & Benedicto XIII. editas

**Luxemburgi, 1740**

CCXXIII. De præminentiis. quibus frui debent Vocales Indiar. Occidental.  
Ord. Min.

---

[urn:nbn:de:hbz:466:1-74724](https://nbn-resolving.de/urn:nbn:de:hbz:466:1-74724)

CCXXIII.

Confirmatur Decretum nuperi Capituli Generalis Ordinis Minorum, quod Vocales Indianorum Occidentalium d. Ordinis, qui Discalceati nuncupantur frui debeant præmio, & præminentius statutis per Constitutiones, et nonnullæ eis desint qualitates.

*De confirmatione aliorum Decretorum Capituli Generalis eorumdem Fratrum vide aliam bujus Conf. ed. 1730. Jan. 19. Pont. 6., & Inn. XIII. Conf. ed. 1723. Jun. 3. Pont. 3. confirmatum fuit Decretum alterius Capituli Generalis eorumdem in perenne grati animi erga S. S. argumentum emanatum.*

Dat. 30. Sept.  
1729. An. 6.

## BENEDICTUS PAPA XIII.

*Ad futuram rei memoriam.*

Pacti expostio, & causa; cur a praedicto Capitulo Decretum præsumtum emanaverit.

Decretum  
præd. Capitu-  
li Gen.

Preces pro  
confirmatio-  
ne.

**S. 1.** Exponi Nobis nuper fecit dilectus filius Emmanuel de Vicuna Definitor, & prominster Provincialis Provinciæ S. Didaci in Regno Mexican. Ordinis Fratrum Minorum S. Francisci Discalceatorum nuncupatorum tam suo, quam aliorum Vocalium, qui ex Indiis Occidentalibus ad Capitulum Generale dicti Ordinis in Civitate Mediolanen. novissime celebratum convenerunt, nomine, quod cum Fratribus Ordinis eorumdem Minorum S. Francisci de Observantia etiam nuncupatorum, ex Indiis hujusmodi ad Capitula Generalia, qui in Europa peraguntur, accedentibus per Constitutiones ipsius Ordinis privilegia, & exemptiones, quibus de jure, & consuetudine Patres Provinciæ in eodem Ordine gaudent, tametsi aliquæ qualitates ad hoc, a dictis Constitutionibus requiriæ eis cæteroquin decesserint ob longi itineris labores, ac discrimina, que subire debent concessa reperiantur; Ipseque Emmanuel una cum ceteris Vocalibus prædictis considerans se quoque, & Fratres Discalceatos eisdem incommodis, ac difficultatibus, quibus illi de Observantia subjacent in accessu ad Capitula Generalia hujusmodi obnoxios esse, ne diverso ab eis jure, ubi par ratio militat, censerentur, deterioreisque, ac illis forent conditiones preces novissimo Capitulo Generali præfato porrexisset, ad hoc, ut præmium Fratribus de Observantia ex Indiis ad Capitula Generalia venientibus per dictas Constitutiones statutum tunc, ac deinceps ad ipsos Fratres Discalceatos extenderetur, iisque rationi consonis repetitis, emanavit a dicto Capitulo Generali Decretum tenoris, qui sequitur, videlicet.

**S. 2.** Convocato Definitorio Generali die 11. Junii, pendentibus adhuc actis Capitularibus, & propositis in eo laboribus, & periculis; quibus PP. Vocales Indianorum in tam longo, & arduo itinere subjecti fuerunt, idem Definitorium statuit, & decrevit, ut omnes præfati PP. Vocales, eti nonnullæ deficiant qualitates pro consequendo præmio statuto a Constitutionibus Ordinis venientibus ad Capitulum Generale præsertim Cismontanum, tali præmio, ac præminentius frui debere. Datum Mediolani die 12. Augusti 1729.

**S. 3.** Cum autem, sicut eadem exposicio subungebat dictus Emmanuel præmissa quo firmius subsistant, ac serventur exadius Apostolice confirmationis patrocinio communiri & alias opportune desuper a Nobis provideri sumptuose desideret; Nos eundem Emmanuel specialibus favoribus, & gratis prosequi vo-

lentes, & a quibusvis Excommunicationis, suspensionis, & Interdicti, aliisque Ecclesiasticis Sententiis, Censuris, & poenit. a jure, vel ab homine quavis occasione, vel causa latit, si quibus, quomodolibet innodatus existit, ad effectum præsentium dumtaxat consequendum, harum serie absolventes, supplicationibus ejus, ac caterorum Vocalium supradictorum nomine Nobis, super hoc humiliter porrectis inclinati, Decretum præsertum cum omnibus, & singulis in eo contentis, auctoritate Apostolica, tenore præsentium confirmamus, & approbamus, illique inviolabilis Apostolicæ firmatis robur adjicimus, ac omnes, & singulos juris, & facti defectus, si qui defuper quomodolibet intervenient supplemus, necnon privilegia, & gratias, quibus prædicti Fratres de Observantia ad Capitula Generalia exinde venientes juxta dicti Ordinis Constitutiones fruuntur, seu frui possint, ad eosdem Fratres Discalceatos, qui deinceps futuris temporibus ex Indiis, & Capitula Generalia hujusmodi accederet, auctoritate, & tenore præfatis extendimus, & ampliamus.

**S. 4.** Decernentes easdem præsentes literas firmas, validas, & efficaces existere, & fore, suotque plenarios, & integros effectus fortiri, & obtinere, ac illis, ad quos spectat, & pro tempore spectabit in omnibus, & per omnia plenissime suffragari, & ab eis respective inviolabiliter observari: sive in præmissis per quocumque Judices Ordinarios, & Delegatos, etiam Causarum Palati Apostolici Auditores, judicari, & definiri debere; ac irritum, & inane, si fecus super his a quoquam quavis auctoritate scienter, vel ignoranter contigerit atentari.

**S. 5.** Non obstantibus Constitutionibus, & Ordinationibus Apostolicis, necnon quatenus opus sit dicti Ordinis, illiusque Provinciarum, & Conventuum, etiam juramento, confirmatione Apostolica, aut quavis firmate alia roboratis Statutis, & consuetudinibus; privilegiis quoque, indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, ac ad verbum insertis habentes, illis alias in suo labore permansuris, ad præmissorum effectum hac vice dumtaxat specifier, & expresse derogamus, ceterisque contraria quibuscumque.

Datum Rome apud Sanctum Petrum sub Anulo Piscat, die XXX. Sept. MDCCXXIX. Pontificatus Nostri Anno Sexto.

CCXXIV.

Confirmatur Decretum Episc., & Regulari, super concessione facultatis Praefecto, & Definitorio Generalibus Ordinis Fratrum Bethlehemitarum nuncupatorum admittendi aliquos Presbyteros Seculares ad Habitum, & Professionem.

*De aliis facultatibus ab eodem Pontifice istud factis vid. Conf. ed. 1728. Septemb. 13. Pont. 5.*

## BENEDICTUS PAPA XIII.

*Ad futuram rei memoriam.*

**S. 1.** Nuper pro parte dilectorum Filiorum Modernorum Praefecti, & Assistantium Generalium Ordinis Fratrum

Bethlehe-

Gente ex-  
posita a præ-  
dictis Praefec-  
to, & Aliis